

# 穀部

麥芽

二百三

味甘微鹹氣溫善於化食和中破冷氣消一切米麩諸果食積去心腹脹滿止霍亂除煩熱消痰飲破癥結寬腸下氣疝久不食者可借此谷氣以開胃元氣中虛者毋多用此以消腎亦善催生落胎單服二兩能消乳腫其耗散血氣如此而脾胃虛弱飲食不消方中每多用之何也故婦有胎妊者不宜多服

味甘氣平炒黃入藥善助中焦土臟健脾煖胃消食下氣化  
滯調中逐痰積破癥瘕運化水穀除霍亂脹滿嘔吐其氣腐  
故能除濕熱其性澁故又止瀉痢療女人胎動因滯治小兒  
腹堅因積若婦人產後欲回乳者炒研酒服二錢日三服止  
甚驗若閃挫腰痛者淬酒溫服最良

白扁豆 二百五

味甘氣溫炒香用之補脾胃氣虛和嘔吐霍亂解河豚酒毒  
止瀉痢溫中亦能清暑治消渴欲用輕濟緩補者此為最當

薏仁 二百六

味甘淡氣微涼性微降而滲故能去濕利水以其去濕故能  
利關節除脚氣治痿弱拘攣濕痺消水腫疼痛利小便熱淋  
亦殺蠅虫以其微降故亦治欬嗽唾膿利膈開胃以其性涼  
故能清熱止煩渴上氣但其功力甚緩用爲佐使宜倍

綠豆 二百七

味甘性涼能清火清痰下氣解煩熱止消渴安精神補五藏  
陰氣去胃火吐逆及吐血衄血尿血便血濕熱瀉痢腫脹利  
小水療丹毒風疹皮膚燥澁大便秘結消癰腫痘毒湯火傷

痛解酒毒鳩毒諸藥食牛馬金石毒尤解砒霜大毒或用囊  
作枕大能明耳目并治頭風頭痛

粟殼 二百八

味微甘性多澁泡去筋膜醋拌炒用甚固大腸久痢滑瀉必  
用須加甘補同煎久虛咳嗽劫藥欲用須辨虛實脫肛遺精  
俱所常用濕熱下痢均非所宜

麻仁 二百九  
即黃麻也亦名大麻

味甘平性滑利能潤心肺滋五臟利大腸風熱結燥行水氣  
通小便濕熱秘澁五淋去積血下氣除風濕頑痺關節血燥

拘攣止消渴通乳汁產難催生經脈阻滯凡病多躁澀者宜  
之若下元不固及便溏陽痿精滑多帶者皆所忌用

# 果部

茨實 二百十

味甘氣平入脾腎兩臟能健脾養陰止渴治腰膝痠痛強志  
益神聰明耳目補腎固精治小便不禁遺精白濁帶下延年  
耐老或散丸或煮食皆妙但其性緩難收奇效

杏仁 二一一

味苦辛微甘味厚於氣降中有升有毒入肺胃大腸經其味  
辛故能入肺潤肺散風寒止頭痛退寒熱欬嗽上氣喘急發  
表解邪療溫病脚氣其味苦降性最疾觀其澄水極速可知  
故能定氣逆上衝消胸腹急滿脹痛解喉痺消痰下氣除驚  
癩煩熱通大腸氣閉乾結亦殺狗毒佐半夏生薑散風邪欬  
嗽佐麻黃發汗逐傷寒表邪同門冬乳酥煎膏潤肺治欬嗽  
極妙同輕粉研勻油調敷腐瘡腫毒最佳尤殺諸虫牙疳及  
頭面黧斑瘡炮元氣虛陷者勿用恐其沉降太泄

味苦辛微甘氣平陰中有陽入手足厥陰經去皮尖周善治  
瘀血血閉血結血燥通血隔破血癥殺三虫潤大便逐鬱滯  
止兒疰血逆疼痛膨脹療跌撲損傷若血枯經閉者不可妄  
用

木瓜 二二三

味酸氣溫用此者以其酸斂酸能走筋斂能固脫入脾肺肝  
腎四經亦善和胃得木味之正故尤專入肝益筋走血療腰  
膝無力脚氣引經所不可缺氣滯能和氣脫能固以能平胃  
故除嘔逆霍亂轉筋降痰去濕行水以其酸收故可斂肺禁

痢止煩滿止渴

陳皮 二一四

味苦辛性溫散氣實痰滯必用留白者微甘而性緩去白者  
用辛而性速瀉脾胃痰濁肺中滯氣消食開胃利水通便吞  
酸噉腐反胃饘雜飢逆脹滿堪除嘔吐惡心皆效通達上下  
解酒除虫表裏俱宜癰疽亦用尤消婦人乳癰并解魚肉諸

毒

青皮 二一五

味苦辛微酸味厚沉也陰中之陽苦能去滯酸能入肝又入



少陽三焦膽府削堅癖除脇痛解鬱怒劫疝踈肝破滯氣寬  
胸消食老弱虛羸戒之勿用

檳榔 二十六

味辛澁微苦微甘氣微溫味厚氣薄降中有升陰中陽也能  
消宿食解酒毒除痰癖宜壅滯溫中快氣治腹脹積聚心腹  
疼痛喘急通關節利九竅逐五疝奔豚膀胱諸氣殺三蟲除  
脚氣療諸瘧瘴癘濕邪本草言其治後重如馬奔此亦因其  
性溫行滯而然若氣虛下陷者乃非所宜又言其破氣極速  
較枳壳青皮尤甚若然則廣南之人豈夕笑墜而無傷又豈

破氣極速者總之此物性溫而辛故能醒脾利氣味甘兼澁  
 故能固脾壯氣是誠行中有留之劑觀鶴林玉露云飢能使  
 之飽飽能使之飢醉能使之醒醒能使之醉於此四句詳之  
 可得其性矣○其服食之法小者氣烈俱以入藥廣中八惟  
 用其大而扁者以木泔水浸而待用每一枚切四片每服一  
 片外用細石灰以水調如稀糊亦須制待用用時以薑葉一  
 片抹石灰一二分入檳榔一片暴而嚼服蓋檳榔得石灰則  
 滑而不澁石灰薑葉得檳榔則甘而不辣服後必身而俱煖  
 微汗微醉而胸腹豁然善解吞酸消宿食辟嵐瘴化痰醒酒

下氣健脾開胃潤腸殺蟲消脹固大便止瀉痢○又服法如  
無萆葉卽以肉桂或大茴香或陳皮俱可代用少抹石灰夾  
而食之然此三味之功多在石灰萆葉以其能燥脾溫胃也  
然必得檳榔爲功其功始見此物理相成之妙若有不可意  
測者○一大約此物與烟性畧同但烟性峻勇用以發表逐  
寒則烟勝於此檳榔稍緩用以和中煖胃則此勝於烟二者  
皆壯氣辟邪之要藥故滇廣中入一日不可少也○又習俗  
之異在廣西用老檳榔滇中人用清嫩檳榔廣東人多在連  
殼醃檳榔亦各得其宜耳

烏梅 二一七

味酸澁性溫平下氣除煩熱止消渴吐逆反胃霍亂治虛勞  
 骨蒸解酒毒斂肺癰肺痿欬喘急消癰疽瘡毒喉痺乳蛾  
 澁腸止冷熱瀉痢便血尿血崩淋帶濁遺精夢泄殺虫伏虻  
 解虫魚馬汗硫黃毒和紫蘇煎湯解傷寒時氣癰瘡大能作  
 汗取肉燒存性研末傅金瘡惡瘡去腐肉斂肉死肌一夜立  
 盡亦奇方也

烏梅 二一八

味酸澁氣平其性善於消滯用此者用其氣輕故不甚耗

真氣善消宿食痰飲吞酸去瘀血疼痛行結滯毆膨脹潤腸  
胃去積塊亦祛頑疝仍可健脾小兒最宜亦發瘡疹婦人產  
後兒枕痛惡露不盡者煎汁入沙糖服之立效煮汁洗溲瘡  
亦佳腸滑者少用之

甜瓜蒂

二一九

一名苦丁香

味苦性寒有毒陰中有陽能升能降其升則吐善瀉濕熱頑  
痰積飲去風熱頭痛癰癩喉痺頭目眩暈胸膈脹滿并諸惡  
毒在上焦者皆可除之其降則瀉善逐水濕痰飲消浮腫水  
膨殺蠱毒虫毒凡積聚在下焦者皆能下之蓋其性峻而急

不從上出卽從下出也若治鼻中瘰肉不聞香臭當同麝香  
細辛爲末以綿裹塞鼻中日一換之當漸消縮

大腹皮 二百二十

味微辛性微溫主冷熱邪氣下一切逆氣滯氣攻衝心腹大  
腸消痰氣吞酸痞滿止霍亂逐水氣浮腫脚氣瘴瘧及婦人  
胎氣惡阻脹悶並宜加薑鹽同煎凡用時必須酒洗炒過  
其有鳩鳥毒也

吳茱萸 二二一

味辛苦氣味俱厚升少降多有小毒能助陽健脾治胸膈停

寒脹滿痞塞化滯消食除吞酸嘔逆霍亂心腹畜冷中惡絞  
痛寒痰逆氣殺諸虫鬼魅邪疰及下焦肝腎膀胱寒疝陰疝  
疼痛止痛瀉血痢厚腸胃去濕氣腸風痔漏脚氣水腫然其  
性苦善降若氣陷而元氣虛者當以甘補諸藥制而用之

# 萊部

山藥

二二三

味微甘而淡性微澁所以能健脾補虛澁精固腎治諸虛百  
損療五勞七傷第其氣輕性緩非堪專任故補脾肺必主參

木補腎水必君茱地澁帶濁須破故同研同遺泄使兔絲相  
濟諸凡固本丸藥亦宜搗末爲糊總之性味柔弱但可用爲  
佐使

乾薑 二二三

味辛微苦性溫熱生者能散寒發汗熟者能溫中調脾善通  
神明去穢惡通四肢開五藏六府消痰下氣除轉筋霍  
亂逐風濕冷痺陰寒諸毒寒痞脹滿腰腹疼痛撲損瘀血夜  
多小便孫真人曰嘔家聖藥是生薑故凡脾寒嘔吐宜兼溫  
散者當以生薑煨熟用之若下元虛冷而爲腹疼瀉痢專宜



溫補者常以乾薑炒黃用之若產後虛熱虛火盛而唾血痢  
血者炒焦用之若炒至黑炭已失薑性矣其亦有用以止血  
者用其黑澁之性已耳若陰盛隔陽火不歸元及陽虛不能  
攝血而爲吐血衄血下血者但宜炒熟留性用之最爲止血  
之要藥若陰虛內熱多汗者皆忌薑

大茴香 二二四

味辛氣溫入心腎二藏氣味香甜能升能降最煖命門故善  
逐膀胱寒滯疝氣腰疼亦能溫胃止吐調中止痛除霍亂反  
胃齒牙口疾下氣解毒兼理寒濕腳氣調和諸饌逐臭生香

小茴香 二二二五

氣味畧輕治亦同前但大茴性更煖而此則稍溫耳

白芥子 二二二六

味大辛氣溫善開滯消痰療欬喘急及胃嘔吐風毒流注  
四肢疼痛尤能祛辟冷氣解肌發汗消痰癰瘡痞除脹滿極  
速因其味厚氣輕故開導雖速而不甚耗氣既能除脇肋皮  
膜之痰則他近處者不言可知善調五臟亦熨散惡氣若癩  
毒乳癰痰核初起研末用醋或水調傳甚效

蘿蔔子 二二二七

味大辛氣溫氣味俱厚降也善於破氣消痰定喘除脹利大小便有推牆倒壁之功研水攪薄飲之立吐風痰盡出胃有氣食停滯致成鼓脹者非此不除同醋研敷大消腫毒中氣不足切忌妄用

葱  
二二八

味辛性溫善散風寒邪氣通關節開腠理主傷寒寒熱天行時疾頭痛筋骨酸疼行滯氣除霍亂轉筋奔豚脚氣陰邪寒毒陽氣脫陷心腹疼痛及虫積氣積飲食毒百藥毒利大小便下痢下血小兒盤腸內釣婦人溺血通乳汁散乳癰消癰

疽腫毒疔瘡傷寒結胸及金瘡折傷血瘀血出疼痛不止塗  
獬犬傷亦制蚯蚓毒

蒜 二二九

味辛性溫有小毒善理中溫胃行滯氣辟肥膩開胃進食消  
寒氣寒痰麩積食積魚肉諸積邪疝膨脹宿滯不安殺溪毒  
水毒蠱毒蛇蟲毒疔爛可灸癰疽塗疔腫傳蛇虫沙虱毒甚  
良

韭菜 二百三十

味辛甘微瀉性溫善溫中安五藏和胃氣健脾氣除濁氣開

胃進食祛心腹痼冷疰癖隔噎滯氣止消渴瀉痢膿血腹中  
冷痛壯腎氣煖腰膝療洩精帶濁俱宜常煮食之大能益人  
若欲消胃腕痠血作痛及中風痰盛失音上氣喘急或中飲  
食藥毒或暴見吐血衄血尿血打撲瘀血婦人經滯血逆上  
衝心腹或被狂犬蛇虫惡毒勢在危急者俱宜禱生韭瀉服  
之或從吐出或從內消皆得愈也或用煎湯薰產婦血暈亦  
可洗腸痔脫肛

韭子 二三一

味辛性溫陰中陽也宜炒黃用之主夢洩遺精尿血煖腰膝

壯陽道治鬼交補肝腎命門止小便頻數遺尿及婦人白淫  
白帶陰寒小腹疼痛

百合 二二三二

味微甘淡氣平功緩以其甘緩故能補益氣血潤肺除嗽定  
魄安心逐驚止悸緩時疫咳逆解乳癰喉痺兼治癰疽亦解  
蠱毒潤大小便消氣逆浮腫仲景用之以治百合證者蓋欲  
藉其平緩不峻以收失散之緩功耳虛勞之嗽用之頗宜

蒲公英 二二三三

卽黃花地下

味微苦氣平獨莖一花者是莖有極者非入陽明太陰少陽

焮陰經司忍冬煎汁少加酒服潰堅消腫散結核瘰癧最佳  
破滯氣解食毒出毒刺俱妙若婦人乳癰用水酒煮飲以消  
封之立消

# 金石部

金箔 二三四

味辛平性寒生者有毒氣沉質重降也陰也能鎮心神降邪  
火墜痰涎療風熱上壅吐血衄血神魂飛蕩狂邪躁擾及小  
兒驚風癰癩痰滯心竅上氣欬喘安魂魄定心志凡邪盛於

之  
宜降宜清者皆所當用若陽虛氣陷滑瀉清寒者俱當避

水銀 二三五

性辛寒有大毒能利水道去熱毒同黑鉛結砂則鎮墜痰涎  
同硫黃結砂則療劫危疾極善墮胎殺諸虫及疥癬癩瘡凡  
有虫者皆宜之亦善走經絡透骨髓逐楊梅瘋毒其他內證  
不宜輕用頭瘡亦不可用恐入經絡必緩筋骨百藥不治也  
李時珍曰水銀乃至陰之精稟沉著之性得凡火煅煉則飛

騰靈變得人氣薰蒸則入骨鑽筋絕陽蝕腦陰毒之物無似



之者而大明言其無毒本經言其久服神仙甄權言其還丹  
元母抱朴子以爲長生之藥六朝以下貪生者服食致成廢  
篤而喪厥軀不知若于人矣方士固不足道本草其可妄言  
哉水銀但不可服食爾而其治病之功不可掩也

輕粉 二二六

味微辛性溫燥有大毒升也陽也治痰涎積聚消水腫鼓脹  
直達病所尤治癰癤諸毒瘡去腐肉生新肉殺瘡癬疥虫及  
鼻上酒齶風瘡癢然輕粉乃水銀加鹽礬升鍊而成其以  
金火之性燥烈流走直達骨髓故善損齒牙雖善劫痰涎水

全書卷四十九  
本草  
濕瘡毒涎從齒縫而出邪得劫而暫開病亦隨愈然用不得  
法則金毒竄入經絡留而不出而傷筋敗骨以致筋攀骨痛  
癰瘡疔漏遂成廢痼其害無窮嘗見丹家升鍊者若稍失固  
濟則雖以鐵石爲鼎亦必爆裂而矧以人之藏府血氣乎陳  
文中曰輕粉下痰而損心氣小兒不可輕用傷脾敗陽必變  
他證初生者尤宜慎之

銅青 二三七  
卽銅綠

此銅之精華惟醋制者良礪制者毒也味酸澁性收斂善治  
風眼爛效流淚合金瘡止血明目去膚赤瘰肉治惡瘡口鼻

疳瘡若治走馬牙疳宜同滑石杏仁等分爲末擦之立愈

朱砂 二三人

味微甘性寒有大毒通稟五行之氣其色屬火也其液屬水也其體屬土也其氣屬木也其入屬金也故能通五藏其入心可以安神而走血脈入肺可以降氣而走皮毛入脾可逐痰涎而走肌肉入肝可行血滯而走筋膜入腎可逐水邪而走骨髓或上或下無處不到故可以鎮心逐痰祛邪降火治驚癇殺虫毒祛蟲毒鬼魅中惡及瘡瘍疥癬之屬但其體重性急善走善降變化莫測用治有驗乃其所長用補不足及

長生久視之說則皆謬妄不可信也若同參芪歸朮兼朱砂以治小兒亦可取效此必其虛中挾實者乃宜之否則不可

槩用

銀朱 二 三九

乃水銀同硫黃升煉而成味辛溫有毒破積滯劫痰涎善療瘡癰惡瘡殺虫毒蚤虱惟燒烟薰之或以棗肉拌烟擦之其功尤捷

靈砂 二 百四十

味甘性溫主五藏百病養神志安魂魄通血脉明耳目調和

五臟主上盛下虛痰涎壅盛頭旋吐逆霍亂及胃心腹冷痛  
升降陰陽既濟水火久服通神明殺精魅惡鬼小兒驚吐其  
效如神研末糯米糊爲丸棗湯服最爲鎮墜神丹也或以陰  
陽水送下尤妙○按胡寅丹藥秘訣云升靈砂法用新鍋安  
甕遙爐上以蜜搭鍋底文火下燒入硫黃二兩熔化投水銀  
半斤以鐵匙急攪作青砂頭如有焰起噴醋解之待汞不見  
是取出細研盛入水火爐內鹽泥固濟下以自然火升之乾  
水十二盞爲度取出如東鐵紋者成矣

味苦微酸性熱有毒療心腹冷積冷痛霍亂欬逆上氣及冷

風頑痺寒熱腰腎久冷脚膝疼痛虛寒久痢滑洩壯陽道補

命門不足陽氣暴絕婦人血結小兒慢驚尤善殺蟲除疥癬

惡瘡老人風秘用宜鍊服亦治陰證傷寒厥逆煩躁腹痛脈

伏將危者以硫黃為末艾湯調服二三錢即可得睡汗出而愈

雄黃 二四二

味苦甘辛性溫有毒消痰涎治癰瘤風瘴瘧疾寒熱伏暑瀉

痢酒癖頭風眩暈化瘀血殺精物鬼疰蠱毒邪氣中惡腹痛

及蛇蝎百虫獸毒疥癩疔虫鬚磨去鼻中瘰肉癰疽腐肉并

鼠瘦廣倉疝痔等毒欲逐毒  
蛇無如燒烟薰之其畏遁尤速

自然銅 二四三

味辛平性凉能瘥折傷散瘀  
血續筋骨排膿止疼痛亦鎮心  
神安驚悸宜研細水飛用或  
以酒磨服然性多燥烈雖其接  
骨之功不可氓而絕無滋補  
之益故用不可多亦不可專任  
也

黃丹 二四四

味辛微鹹微澁性重而收大  
能燥濕故能鎮心安神墜痰降  
火治霍亂吐逆欬吐血鐘  
驚癩癩狂客忤除熱下氣止瘧

止痢禁小便解熱毒殺諸虫  
毒治金瘡火瘡濕爛諸瘡血溢  
止痛生肌長肉收陰汗解狐臭亦去翳障明目

白礬 二四五

味酸澁性涼有小毒所用有四其味酸苦可以漏泄故能吐  
下痰涎治癩癧黃疽其性收澁可固脫滑故能治崩淋帶下  
腸風下血脫肛陰挺斂金瘡止血燒枯用之能止牙縫出血  
辟狐腋氣收陰汗脚汗其性燥可治濕邪故能止癢痢斂浮  
腫湯洗爛弦風眼其性毒大能解毒定痛故可療癰疽疔腫  
鼻齕息肉喉痺癭癪惡瘡疥癬去腐肉生新肉及虎犬蛇虫



蠶毒或丸或散或生或枯皆有奇效

石脂 二四六

味甘澁性溫平脂有五色而今之入藥者惟赤白二種乃手足傷明足厥陰少陰藥也其味甘而溫故能益氣調中其性澇而重故能收濕固下調中則可療虛煩驚悸止吐血衄血壯筋骨厚腸胃除水濕黃疸癰腫瘡毒排膿長肉止血生肌之類是也固下則可治夢泄遺精腸風瀉痢血崩帶濁固大腸收脫肛痔漏陰瘡之類是也又治產難胞衣不出尿垣日胞衣不出惟澁劑可以下之即此是也然脂有五種雖在本

經言各隨五色補五藏又云白入氣分赤入血分第五脂之  
性味畧同似亦不必強分者且其性粘如膏故用固爐鼎甚  
良

爐甘石 二四七

味甘澁性溫能止血消腫毒生肌斂瘡口去目中翳膜赤腫  
收濕爛同龍腦點治目中一切諸病宜用片子爐甘其色瑩  
白經火煨而鬆膩味澁者爲上制宜炭火煨紅童便淨七次  
研粉水飛過晒用若煨後堅硬不鬆不膩者不堪也

蓬砂 二四八

味鹹微甘陰也降也消痰涎止欬解喉痺生津液除上焦  
濕熱噎膈殺疫瘵血退眼目腫痛翳障口齒諸病骨哽惡瘡  
或為散丸或噙化唾津俱可

水粉 二四九

即官粉亦名胡粉

味辛性寒有毒善殺虫墮胎治癰疽瘡毒濕爛諸瘡下疳癰  
潰不收亦治疥癬狐臭黑鬚髮雖亦能墜痰消食然惟外證  
所宜而內傷諸病似亦不宜用之

密陀僧 二百五十

味鹹平有小毒能鎮心神消痰涎治驚癇欬嘔逆反胃瘡

疾下痢止血殺虫消積聚治諸瘡腫主勞鼻鼈面黟汗斑金瘡  
五痔僻狐臭收陰汗脚氣

石膏 二五一

味甘辛氣大寒氣味俱薄體重能沉氣輕能升陰中有陽欲  
其緩者假用欲其速者生用用此者用其寒散清肅善祛肺  
胃三焦之火而在爲陽明經之要藥辛能出汗解肌最逐溫  
暑熱證而除煩痛甘能緩脾清氣極能生津止渴而卻熱煩  
邪火盛者不食胃火盛者多食皆其所長陽明實熱才移火  
陰火盛痰喘及陽狂熱結熱毒發斑發黃火載血土大吐大

嘔大便秘等證皆當速用胃虛弱者忌服陰虛熱者禁嘗  
若誤用之則敗陽作瀉必反害人

滑石 二五二

味微甘氣寒性沉滑降中有升入膀胱大腸經能清三焦表  
裏之火利六府之澀結分水道逐凝血通九竅行津液止煩  
渴除積滯實大腸治瀉痢淋秘白濁療黃疸水腫脚氣吐血  
衄血金瘡出血諸濕爛瘡腫痛通乳亦佳墮胎亦捷

青礞石 二五三

味微甘微鹹其性下行降也陰也乃肝脾之藥此藥重墜制

以硝石其性更利故能消宿食療積頑痰治整瀉欬喘急  
寶鑑云礬石爲治痰利驚之聖藥若吐痰在水土以乍未摻  
之痰卽隨水而下則其沉墜之性可知楊士瀛謂其功能利  
痰然性非胃家所好而王隱君謂痰爲百病母不論虛實寒  
熱槩用滾痰丸通治百病豈理也哉是以膏痰堅積乃其所  
宜然久病痰多者必脾虛人但知滾痰丸可以治痰而不  
知虛痰服此則百無一生矣

朴硝

一五四

味苦鹹辛氣寒陰也降也有毒其性峻烈能更堅推逐陳

積化金石藥毒去六腑壅滯脹急大小便不通破瘀血堅癥  
實痰却熱熱疫刺傷寒脹閉熱狂消癰腫掛脈凡屬各經實  
熱悉可高除孕婦忌用最易墮胎虛損誤吞傷生及掌

心明粉 二五五

味辛微甘性冷沉也陰也降心火祛胃熱消痰涎平傷寒實  
熱狂躁去胸膈藏腑宿滯散積通大便秘結陰火珠痛亦消  
癰疽腫毒

海石 二五六

味鹹性微寒陽中陰也善降火下氣消食消熱化痰老痰陰

瘰癧結核解熱淋止痰嗽喘急消積塊軟堅瘕利水濕  
疝氣亦消痞腫

花蕊石 一五十一

此藥色如硫黃黃石中間有淡白點故名也李時珍曰此藥  
舊無氣味今嘗試其氣平其味澁而酸蓋厥陰經血分藥也  
其功專於止血能使血化為水酸以收之也若治金瘡出血  
則不必制但剉末傅之則合仍不作膿及治一切損傷失血  
及療婦人惡血血暈下死胎落胞衣去惡血血去而胎胞自  
落也凡入丸散須用罐同濟火煨過研細水飛用之



味微甘性涼而降血分藥也能下氣降痰清火除胸腹邪毒  
殺鬼物精氣止反胃吐血衄血血痺血痢血中邪熱大人小  
兒驚癇狂熱入藏腸風痔漏脫精遺尿及婦人赤白帶下難  
產胞衣不出月經不止俱可爲散調服亦治金瘡生肌長肉

礞砂 二五九

味鹹苦大辛性大熱有毒善消惡肉腐肉生肌傳金瘡生肉  
去目翳弩肉除瘰癧疔贅亦善殺蟲辟水調塗之或研末摻  
之立愈本草言其消瘀血宿食破結氣止反胃肉食飽脹暖

子宮大益陽事但此物性熱大毒能化五金入石人之藏腑  
豈能堪此故用以治外則可用以服食則不宜也若中其毒  
惟生綠豆研汁飲一二升乃可解之

青鹽 二百六十

味鹹微甘性涼能降火消痰明目除目痛益腎氣除五藏癥  
結心腹積聚吐血尿血齒牙疼痛出血殺毒虫除疥癬諸虫  
及斑蝥堯青諸毒此鹽不經火煉而成其味稍甘雖性與火  
鹽異而滋益之功則勝之

石灰 二六一

味辛溫有毒能止水瀉血痢收白帶白淫可倍加茯苓為丸  
服之此外如散血定痛傳癰毒消結核癭瘤惡瘡腐肉白癩  
疔斑癰肉收脫肛陰挺殺痔漏諸虫止金瘡血山生肌長肉  
或為末可摻或用醋調敷俱妙能解酒酸亦解酒毒

# 禽獸部

雞血 二六二

味鹹性平主療痿痺中惡腹痛解丹毒蠱毒  
蟲毒鹽瀉毒母及  
小兒驚風便秘亦能下乳俱宜以熱血服之若為咬人傷宜

以熱血浸之

雞冠血治身癢風經絡風熱塗頰頰治口喘不正卒瘕之治  
縊死欲絕及小兒卒驚客忤和酒服發瘡最佳至諸瘡癰腫  
蜈蜘蛛馬齒等毒若百虫入耳宜用熱血滴之

鴨血 二六三

味鹹微涼善解諸毒凡中金銀丹石砒霜鹽瀉毒者俱宜服  
此解之若野葛毒殺人至死熱飲之入口卽解若溺水死者  
灌之卽活蚯蚓咬瘡塗之卽愈

虎骨 二六四

味微辛氣平主百邪惡氣殺鬼精心腹諸痛止驚悸壯筋骨  
治肢體毒風拘攣走注疼痛辟傷寒溫瘧及惡瘡鼠瘻犬咬  
諸毒頭骨作枕辟惡夢魘魅置戶上辟鬼祟宗奭曰風從  
虎者風木也虎金也木受金制安得弗從故可治風病攣急  
走注風毒顛厥驚癩諸病李時珍曰虎骨通可用几辟邪瘵  
驚癩頭風溫瘧瘡疽當用頭骨治手足諸風當用脛骨治腰  
背諸風當用脊骨亦各從其類也吳球曰虎之一身筋節氣  
力皆出前足故以脛骨爲勝

味甘氣涼能清心腎之火可療驚悸風狂骨蒸痰執鬼精邪  
氣癰毒諸瘡並宜生骨入藥煮服若諸物鯁刺喉中宜磨水  
飲之竹木刺入肌肉宜刮牙屑和水敷之卽出

鹿角膠 二六六

味甘鹹氣溫大補虛羸益血氣填精髓壯筋骨長肌肉悅顏  
色延年益壽療吐血下血尿精尿血及婦人崩淋赤白帶濁  
血虛無子止痛安胎亦治折跌損傷瘡瘍腫毒善助陰中之  
陽最爲補陰要藥

鹿茸 二六七

味甘鹹氣溫破開塗酥炙黃脆入藥益元氣填真陰扶衰羸  
瘦弱善助精血尤強筋骨堅齒牙益神志治耳聾目暗頭腦  
眩運補腰腎虛冷脚膝無力夜夢鬼交遺精滑泄小便頻數  
虛痢尿血及婦人崩中漏血赤白帶下道家云惟有斑龍頂  
上珠能補玉堂關下血者卽此是也若得嫩而肥大如紫茄  
者較之鹿角膠其功力爲倍倍

犀角 二六八

味苦辛微甘氣寒氣味俱輕升也陽也其性靈通長於走散  
較諸角爲甚藥用黑色功力在尖專入湯明清胃火亦施他

藏涼心定神鎮驚瀉肝明目能解大熱散風毒陽毒瘟疫熱  
煩磨汁治吐血衄血下血及傷寒畜血發狂發黃發斑譫語  
痘瘡稠密內熱黑陷或不結痂亦散瘡毒癰瘍膿血腫痛殺  
妖狐精魅鬼疰百毒蟲毒鈎吻鳩羽蛇毒碎溪瘴山嵐惡氣  
其性升而善散故治傷寒熱毒閉表煩熱昏悶而汗不得解  
者磨尖攪入藥中取汗速如響應仲景云如無犀角以  
代之者正以此兩物俱入陽明功皆升散今人莫得其解每  
致疑詞是但知犀角之解心熱而不知犀角之能升散尤峻

升麻也倘中氣虛弱脉細無神及痘瘡血虛真陰不足



等證凡以汗畏寒畏散者乃所當忌或必不得已宜尋  
用之

羚羊角 二六九

味鹹性寒辛本火畜而此則屬木善走少陽厥陰二經故能  
清肝定風行血行氣辟鬼疰邪毒安魂魄定驚狂祛魘寐療  
傷寒邪熱一切邪毒中惡毒風卒死昏不知人及婦人子癰  
強瘞小兒驚悸煩悶痰火不清俱宜為末蜜水調服或燒脆  
研末酒調服之若治腫毒惡瘡磨水塗之亦可

牛黃 二百七十

味苦辛性涼氣平有小毒忌常山入心肺肝二經能清心退熱  
化痰涼驚通關竅開結滯治小兒驚痛客忤執痰口噤大人  
癲狂痰壅中風發瘧辟邪魅中惡天行疫疾安魂定魄清神  
志不寧聰耳目壅閉療痘瘡紫色痰盛躁狂亦能墮胎孕婦  
少用

阿膠 二七

味甘微辛氣平微溫氣味頗厚陽中有陰製用蛤粉炒珠入  
歸肝腎三經其氣溫故能扶勞傷益中氣其性降故能化痰  
清肺治肺癰肺痿欬唾膿血止嗽定喘其性養血故能止吐

血初血使血尿血腸風下痢及婦人崩中帶濁血淋經脈不  
調其味甘緩故能安胎固漏養血滋腎實膜理止虛汗托補  
癰疽腫毒用惟鬆脆氣清者爲佳堅韌臭劣者不美

熊膽 二七二

味苦性寒能退熱清心療時氣黃疸平肝明目去翳障殺虻  
蟻牙虫風痛及小兒熱疳熱痰驚癩癩癩疔堅熱癩俱宜以  
竹瀝化兩豆粒許服之甚良亦治鼻齋熱瘡痔漏腫痛以湯  
化塗之少加冰片尤效也辨其真惟取一粟許置水面如線  
而下一道不散者是也且凡是諸膠皆能水面辟塵惟此尤

速乃亦可辨

麝香 二七三

味苦辛性溫能開諸竅通經絡透肌骨解酒毒吐氣逐滯積  
聚癥瘕散諸惡濁氣除心腹暴痛脹急殺鬼物邪氣厲寐蒸  
臍虫積蛇虫毒蠱毒瘴毒沙虱毒及婦人難產尤善墮胎用  
熱水研服一荷治小兒驚搐客忤鎮心安神療鼻塞不聞香  
臭目疾可去翳膜除一切惡瘡痔瘡腫痛膿水腐肉面黚斑  
疹凡氣滯爲病者俱宜用之若鼠咬蟲咬成瘡但以麝香封  
之則愈欲辨真假但置些須於火炭上有油滾出而成焦黑

炭者肉類也此卽香之本體若燃火而化白灰者木類也  
卽假攙

# 虫蝨魚部

龍骨 二七四

味甘平性收澁其氣入肝腎故能安神志定魂魄鎮驚悸澁  
腸胃逐邪氣除夜夢鬼交吐血衄血遺精夢洩收虛汗止瀉  
痢縮小便禁腸風下血尿血虛滑脫疝女子崩淋帶濁失血  
漏胎小兒風熱驚爛亦瘡腸癰臍毒內疽陰疽斂膿斂瘡生

肌長肉溢可去脫卽此屬也制須酒者焙乾或用水飛過同  
黑豆蒸熟晒乾用之

海螵蛸

二七五

卽烏賊魚骨

味鹹性微溫足厥陰少陰肝腎藥也鹹走血故專治血病療  
婦人經枯血閉血崩血淋赤白帶濁血癥氣瘕吐血下血崩  
腹疼痛陰蝕瘡屢亦治癩瘡消癭氣及丈夫陰中腫痛益精  
固精令人有子小兒下痢膿血亦殺諸蟲俱可研末飲服尤  
治眼中熱淚磨翳去障並宜硃末和蜜點之爲末可傅小兒  
疳瘡痘瘡臭爛膿濕下疳等瘡跌打出血湯火諸瘡燒灰存

性溫服婦人陰戶嫁痛同經于黃塗小兒重舌鵝口同蒲  
黃末傅舌腫出血如泉同槐花末吹鼻止衄血同麝香吹耳  
治停耳耳聾○烏賊魚善補益精氣尤治婦人血枯經閉

牡蠣 二七六

味微鹹微澁氣平用此者用以澁能固斂鹹能與堅專入少  
陰腎藏隨藥亦走諸經能經傷寒溫瘧寒熱往來消瘀血化  
老痰去煩熱止驚癇心澀氣痛解喉痺效嗽抽痘積塊痢下  
赤白澁腸止便禁鬼交遺瀝止滑精帶下及婦人崩中帶漏  
小兒風痰虛汗同熟地同精氣蒸遺尿同麻黃根斂陰汗同

杜仲止盜汗同白木燥脾利溼同大黃善消癰腫同柴胡治  
脇下硬痛同天花茶消七焦癭瘤瘰癧結核

穿山甲 二七七

味鹹平性微寒能通經絡達腠理除山嵐瘴氣瘧疾風痺強  
直疼痛療小兒五疳驚啼婦人鬼魅悲泣下乳汁消癰腫排  
膿血除癩疥痔漏通竅殺虫佐補藥行經善發痘瘡或炮焦  
投入煎劑或燒灰存性酒服方寸匕亦可用傅惡瘡

青魚膽 二七八

味苦性寒其色青故入肝胆二經能消赤目腫痛點暗目可



吐痰痺痰涎塗熱瘡惡瘡亦消魚骨之鯁

白花蛇 二七九

卽齧蛇也

味甘鹹性溫有毒諸蛇鼻俱向下惟此蛇鼻向上而龍頭虎  
口黑質白花脇有方勝紋二十四個口有四長牙尾上有一  
拂指甲者是用宜去頭尾各三寸以防其毒春秋酒浸三宿  
夏一宿冬五宿火炙去盡皮骨取肉焙乾蜜封藏之久亦不  
壞諸蛇之性皆竄而此蛇尤速故善於治風能透骨髓走藏  
府徹肌膚無所不到療中風濕痺骨節疼痛手足拘攣不能  
行立暴風瘙痒破傷風大風癩癬及小兒驚風搐搦瘰癧楊

梅風毒惡瘡俱爲要藥凡服蛇酒藥者切忌見風

真珠 二百八十

味微甘微鹹能鎮心明目去翳磨障塗面可除野斑令人潤澤好顏色亦除小兒驚熱安魂魄爲末可傅痘疔痘毒

龜板 二八一

味微甘微鹹性微寒陰也能治痰瘧破癥堅祛濕痺傷寒勞役骨中寒熱消五痔陰蝕諸瘡下甲能補陰血清陰火續筋骨退勞熱療腰脚痠痛去瘀血止血痢漏下赤白利產難消癰毒燒灰可傅小兒頭瘡難燥婦人陰瘡賺瘡亦治脫肛

龜板膏功用亦同龜板而性味濃厚尤屬純陰能退孤陽陰  
虛勞熱陰火上炎吐血衄血肺熱欬喘消渴煩擾熱汗驚悸  
譫妄狂躁之要藥然性稟陰寒善消陽氣凡陽虛假熱及脾  
胃命門虛寒等證皆切忌之毋混用也若誤用久之則必致  
敗脾妨食之患

僵蚕

二八二

味辛鹹性溫有小毒辛能散鹹能降毒能攻毒輕浮而升陽  
中有陰故能散風痰去頭風消結核癩癰瘰癧瘡癤破癥堅消  
散風熱喉痺危證尤治小兒風痰急驚客忤發痘瘡攻痘毒

止夜啼殺三虫婦人乳汁不通崩中帶下爲末可傅丹毒疔  
腫按根極效滅頭面疔斑及諸瘡癰疽金瘡痔瘻小兒疔蝕  
牙齦潰爛重舌木舌及大人風虫牙痛皮膚風疹瘙癢

蟾蜍 二八三

俗名癩蝦蟆

眉間有兩囊過身有顆磊其中俱有蟾酥行極遲緩不能跳  
躍亦不解鳴者是也此物受上氣之精上應月魄賦性靈異  
穴上食虫能制蜈蚣入足陽明胃經消癰氣積聚破堅癥腫  
脹治五疔八疔及小兒勞瘵疔熱殺疔蟲消癰腫風癩陰疽  
惡瘡若治破傷風宜同花椒剉爛入酒若熱飲之通身汗出

卽愈亦解獺犬毒燒灰油調傳有虫諸惡頑瘡極效又治癩  
毒發斑危劇者去腸生搗一二枚絞汁飲之無不卽瘥或燒  
灰湯送亦良

蟾酥 味辛麻性熱有毒主治發背癰疽疔腫一切惡毒若  
治風虫牙痛及齒縫出血以紙捻蘸少許點齒縫中按之卽  
止

水蛭 二八四

味鹹苦性微寒有毒能逐惡血瘀血破血癥積聚通經閉和  
水道墮胎啞亦可逐毒癰疽腫毒及折傷跌撲瘀血不散制

用之法當取田間嚙人腹中有血者佳須晒乾細剉以微火炒黃熟方可用或以冬收猪脂煎令焦黃用之亦可不爾人腹則活最能生子害人若愛其害惟以田泥水或黃上水飲數升則必盡下蓋此物得上氣即隨上而走也或以牛羊熱血一二升同猪脂飲之亦下也

鱉甲 二八五

味鹹氣平此肝脾腎血分藥也能消癥瘕堅積療溫瘧除骨節間血虛勞熱婦人血癥惡血漏下五色經脈不通治產難能墮胎及產後寒熱陰脫小兒驚癇斑痘煩喘亦消瘡腫腸

癰撲損瘀血斂潰毒去除蝕痔漏惡肉然須取活鱉大者去肉用醋煮乾炙燥用之若諸煮熟肋骨露出者不堪用

蜈蚣 二八六 一名卽蛆赤足者良

味辛溫有毒能噉諸蛇殺諸蛇蟲魚鬼疰諸毒去三蟲攻癰瘰癧便毒痔瘻丹毒亦療小兒驚風臍風丹毒禿瘡然此蟲性毒故能攻毒不宜輕用若入藥餌須去頭足以火炙熟用之

蟬脫 二八七

味微甘微鹹性微涼此物飲風吸露氣極清靈故能療風熱之證亦善脫化故可療疔瘡壅滯起發不快凡小兒驚癩壯

熱煩渴天吊口噤驚哭夜啼及風熱目昏翳障疔腫瘡毒風  
疹癢痛破傷風之類俱宜以水煎服或為末以井花水調服  
一錢可治疔啞之病

班蝥 二八八

味辛性熱有大毒能攻鼠瘻癰癧瘡疽破血積疔瘰墮胎元  
解疔毒爛火毒沙虱蠱毒輕粉毒亦傳惡瘡去死肌敗肉制  
用之法須去翅足同糯米炒熟然後可用或同麩炒或同醋  
煮皆可若中其毒惟黑豆綠豆汁靛汁黃連濃茶葱汁可以

解之



味微甘微鹹有毒療蜂毒腫毒合亂髮蛇脫燒灰以酒服二  
方寸匕治惡疽附骨疽疥腫諸毒亦治赤白痢遺尿失禁陰  
痿煎水可洗狐尿瘡乳癰蜂螫惡瘡及熱病後毒氣衝目漱  
齒牙止風蟲牙痛炙研和猪脂塗皴癬成瘻

立靈脂 二百九十

味苦氣辛善走厥陰乃血中之氣藥也大能行血行氣逐瘀  
止痛凡男子女人有血中氣逆而腹脇刺痛或女人經水不  
通產後血滯男子疝氣腸風血痢冷氣惡氣心腹諸痛身體

血痺脇肋筋骨疼痛其效甚捷若女中血崩經水過多赤帶  
不止宜半炒半生酒調服之亦治小兒氣逆癩癩殺虫毒解  
藥毒行氣極速但此物氣味俱厚辛燥難當善逐有餘之滯  
凡血氣不足者服之大損真氣亦善動吐所當避也制用之  
法當用酒飛去砂石晒乾入藥

全蝎

一九一

味甘辛有毒蛇生東方色青屬木足厥陰肝經藥也故治中  
風諸風開風痰口眼喎斜半身不遂語言蹇澀痰瘧耳聾疝

氣風瘡癩疹小兒風痰驚癩是亦治風之要藥

文蛤 二九二

卽五倍子

味酸澁性微涼能斂能降故能降肺火化痰涎生津液解酒  
毒治心腹疼痛夢洩遺精瘰腫毒喉痺止效嗽消渴嘔血失  
血腸風臟毒滑洩久痢痔瘻下血不止解蠱毒虫毒婦人崩  
淋帶濁子腸不收小兒夜啼脫肛俱可爲散服之若煎湯用  
可洗赤眼濕爛皮膚風濕癩癬腸痔脫肛爲末可傅金瘡折  
傷生肌斂毒

百藥煎 二九三

卽五倍子釀造者

味酸澁微甘功用與五倍子頗同但經釀造而成其氣稍浮

其味稍甘而純故用以清痰解渴止嗽及收斂耗散諸病作  
丸噙化爲尤佳及治下焦滑洩諸病亦更優也

蝸牛 二九四 負殼而行者

味鹹性寒有小毒能清火解熱生研汁飲消喉痺止消渴鼻  
衄通耳聾治腫毒痔漏瘡小兒風熱驚痛加麝香搗臍臍間  
大利小便亦傳脫肛及治蜈蚣蠱毒俱宜研爛傳之

無殼者名蛭蚰治熱瘡癰毒腫痛少入水片研塗痔漏脫肛  
熱痛最良解蜈蚣毒尤捷

蚯蚓 一九五

味鹹性寒沉也陰也有毒能解熱毒利水瀉火傷寒痺癱黃  
疽消渴二便不通殺蛇瘕三蟲伏尸鬼疰蠱毒射罔藥毒瘰癧  
癩狂喉痺風熱赤眼睥耳鼻瘰癧癰陰囊熱腫脫肛去泥鹽  
化爲水治天行瘟疫大熱狂癲或小兒風熱癩狂急驚飲汁  
最良亦可塗丹毒漆瘡炒爲末服可去蛇蟲亦可傅蛇傷腫  
痛蜘蛛傷毒入葱管化汁可治耳聾及蜘蛛入耳若中蝨蚓  
毒者惟以鹽湯浸洗或飲一匙皆可解之

冀名六一泥可塗火瘡疥癩熱毒亦止消渴解瘟疫煩熱狂  
躁利小水通五淋熱閉疼痛

桑螵蛸

二九六

卽螳螂育子房也深秋作房粘著桑枝之上房長寸許大如  
拊指其內重重有隔每房有子如蛆卵子是也味甘微鹹性  
平能益氣益精助陽生子療男子虛損陰痿夢遺疝瘕遺尿  
治女人血閉腰痛通五淋利水道炮熟空心食之可止小便  
不禁

# 人部

童便

二九七

味鹹氣寒沉也陰也鹹走血故善清諸血妄行止嘔血欬血  
衄血血悶熱狂退陰火定喘促降痰滯解煩熱利大小兩便  
療陽暑中暈聲瘖撲損瘀血暈絕難產胎衣不下及蛇犬諸  
虫毒傷若假熱便澹胃虛作嘔者俱不可妄用

紫河車 二九八  
一名混沌衣

味甘鹹性溫能補男婦一切精血虛損尤治癩癘失志精神  
短少怔忡驚悸肌肉羸瘦等證此舊說也但此物古人用少  
而如於陳氏本草自後丹溪復稱其功遂爲時用予於初年  
亦惑於以人補人之說嘗制用之及用之再三則無所奇效

且制用之法若生搗之則補不宜生若頓熟烘熟則亦由肉  
舖之類耳又嘗見有以酒煮而食之者後必破腹泄瀉總亦  
因其性滑也近復有以純酒煮膏去粗收貯而日服其膏者  
較前諸法似爲更善然其既離手裏已絕生氣既無奇效又  
胡忍食之以殘厥子之先天東方朔曰銅山西崩洛鍾東應  
此母子自然之理不可不信故并述此以勸人少用可也

血餘 二九九

味微苦性溫氣盛升也陰中陽也在古藥性不過謂其治效  
嗽消瘀血止五淋赤白痢疾療大小便不通及小兒驚癇治



噴嚏癰疽疔腫燒灰吹鼻可止衄血等證然究其性味之重  
則自陰而生自下而長血盛則髮盛最得陰陽之生氣以火  
炮制其色甚黑大能壯腎其氣甚雄大能補肺此其陰中有  
陽靜中有動在陰可以培形體壯筋骨托癰疽在陽可以益  
神志辟寒邪溫氣海是誠精氣中最要之藥較之河車鹿角  
膠陰凝重著之輩相去遠矣凡補藥中自人參熟地之外首  
當以此爲亞

人中白 二百

味鹹性微涼能降火清痰消瘀血止吐血衄血退熱清肺

癰肺痿心膈煩熱燒研爲末大治諸濕潰爛下疳惡瘡  
疥蝕蟲蠱腫痛湯火諸瘡及諸竅出血生肌長肉善融  
或生用爲末亦可